



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Capitulare primum anni DCCCV. sive capitula XVI. infra Ecclesiam.

urn:nbn:de:hbz:466:1-19366

CAPITVLARE PRIMVM

ANNI DCCC V.

S I V E

Capitula xvi. infra Ecclesiam, hoc est, de causis ecclesiasticis, data ad Theodonis villam, quibus sequens inscriptio præfixa est in veteri codice MS. sancti Vincentij Metensis.

AD TEOTONEM VILLAM FVIT DATVM IN ANNO
 V. IMPER. ANTE NATALE DOMINI.

INCIPIVNT CAPITVLA.

- | | |
|--|---|
| 1. D E lectionibus. | <i>vitium seculum relinquunt.</i> |
| 2. De cantu. | 9. De relinquentibus seculum. |
| 3. De scribis & notariis. | 10. De laicis noviter conversis. |
| 4. De diversis disciplinis discendis. | 11. De servis propriis vel ancillis. |
| 5. De compoto, & de arte medicinali. | 12. De congregationibus superfluis. |
| 6. De Ecclesiis sine honore manentibus. | 13. De non pulsatis secundum regulam. |
| 7. De iis qui ad monasterium nuper venerunt. | 14. De infantibus puellis, quando velentur. |
| 8. De iis qui ad fugiendum debitum ser- | 15. De prepositis monachorum. |
| | 16. De incestuosis. |

INCIPIVNT SVPRASCRIPTA CAPITVLA ET EORVM TEXTVS.

De lectionibus.

App. 1. 1. **I**V T lectiones in Ecclesia distinctè legantur.

De cantu.

Ibid. 1. II. Vt cantus discatur, & secundum ordinem & morem Romanæ Ecclesiæ fiat, & ut cantores de Mettis revertantur.

De scribis & notariis.

Ibid. 3. III. De scribis, ut vitiosè non scribant. Vt unusquisque Episcopus & Abba & singuli Comites suum notarium habeant.

De diversis disciplinis discendis.

Ibid. 4. IV. De ceteris disciplinis Ecclesiæ, ut secundum canones vel regulam fiant.

De compoto, & de arte medicinali.

Ibid. 5. 6. V. De compoto, ut veraciter discant omnes. De medicinali arte, ut infantes hanc discere mittantur.

De Ecclesiis sine honore manentibus.

Ibid. 7. VI. De Ecclesiis sine honore manentibus absque officiis & luminariis, & de his qui decimas quidem adsumunt, & de Ecclesiis non curant, ut omnimodis emen-

Tom. I.

detur. Et de altaribus, ut non superflua sint in Ecclesiis.

De iis qui ad monasterium nuper venerunt.

VII. De nuper venientibus ad monasterium, ut primò discant regulam antequam foras mittantur ad ministeria, & quòd non vadant ad iudicia secularia.

De iis qui ad fugiendum debitum servitium seculum relinquunt.

VIII. De iis qui seculum relinquunt, propter servitium dominicum impediendum, & tunc neutrum faciunt, ut unum è duobus eligant, aut pleniter secundum canonicam aut secundum regularem constitutionem vivere debeant, aut servitium dominicum faciant.

De relinquentibus seculum.

IX. Vt omnes Clerici unum de duobus eligant, aut pleniter secundum canonicam aut secundum regularem institutionem vivere debeant.

De laicis noviter conversis.

X. De laicis noviter conversis, ne antequam suam legem pleniter vivendo

D d ij

discant, ad alia negotia mittantur.

De servis propriis vel ancillis.

- l. 106. XI. De propriis servis vel ancillis, ut non supra modum in monasteria sumantur, ne desertentur villa.

De congregationibus superfluis.

- l. 107. XII. De congregationibus superfluis, ut nullatenus fiant, sed tantos congreget quis quantis consilium dare possit.

De non pulsatis secundum regulam.

- l. 108. XIII. De illis qui non fiunt secundum regulam pulsati, ut deinceps emendentur & pulsentur secundum regulam.

De infantulis puellis, quando velentur.

- XIV. Ut infantulae aetatis puellulae non velentur antequam illae eligere sciant quid velint, & ut pulsentur salva canonica sententia & auctoritate.

De praepositis monachorum.

- XV. Ut laici non sint praepositi monachorum infra monasteria, nec Archidiaconi sint laici.

De incestuosis.

- XVI. De incestuosis, ut canonicè examinentur, & nec propter alicujus amicitiam alij relaxentur, alij constringantur.

CAPITVLARE SECVNDVM

ANNI DCCC V.

AD OMNES GENERALITER.

INCIPIVNT CAPITVLA.

- | | |
|---|---|
| 1. D E pace servanda. | 14. De fugitivis Clericis sive laicis. |
| 2. De justitiis generalibus. | 15. De liberis hominibus ad servitium Dei se tradentibus. |
| 3. De justitiis regalibus. | 16. De oppressione pauperum. |
| 4. De fame, clade, & pestilentia, si evenit. | 17. De Ecclesiis seu sanctis noviter inventis. |
| 5. De armis non portandis. | 18. De falsis monetis. |
| 6. De armatura in hoste habenda. | 19. De heribanno. |
| 7. De negotiatoribus, quousque procedant. | 20. De censu regali. |
| 8. De clamatoribus vel causidicis. | 21. De latronibus. |
| 9. De juramento. | 22. De liberis hominibus uxores fiscalinas habentibus. |
| 10. De conspirationibus. | 23. Ut decime dividantur in quatuor partes. |
| 11. De perjuriis. | 24. De tuitione viduarum, pupillorum, orphanorum, & infirmorum. |
| 12. De Advocatis, Vicedominis, Vicariis, & Centenariis. | 25. De incantatoribus & tempestariis. |
| 13. De teloneis. | |

INCIPIVNT SVPRASCRIPTA CAPITVLA ET EORVM TEXTVS.

De pace servanda.

- III. l. I. **D**E pace, ut omnes qui per aliqua scelera ei rebelles sunt constringantur.

De justitiis generalibus.

- Ibid. l. II. De justitiis Ecclesiarum Dei, viduarum, orphanorum, & pupillorum, ut in publicis judiciis non despiciantur clamantes, sed diligenter audiantur.

De justitiis regalibus.

- Ibid. l. III. De justitiis regalibus, ut pleniter fiant inquisitae.

De fame, clade, & pestilentia, si evenit.

- IV. De hoc si evenit fames, clades, aut inaequalitas aëris, ut non expectetur edictum nostrum, sed statim deprecetur Dei misericordia. Et in praesenti anno de famis inopia, ut suis quisque adjuvet prout potest, & suam annonam non nimis carè vendat. Et ne foris imperium nostrum vendatur aliquid alimoniae.

De armis non portandis.

- V. De armis infra patriam non portandis, id est, scutis & lanceis & loriciis. Si fidosus quis sit, discutatur tunc quis è duo-